

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 428225 22 St
Tuzla, 21.11.2022. godine

Općinski sud u Tuzli, sudija Antonela Đaković kao stečajni sudija, razmatrajući prijedlog za otvaranje stečajnog postupka nad imovinom dužnika „ARCADE“ d.o.o. export-import Tuzla, Dokanj do broja 22, van ročišta, dana 21.11.2022.godine donio je sljedeće:

RJEŠENJE

JAVNO SE POZIVAJU predlagač, povjerioci i sva zainteresovana lica da u roku od 30 (trideset) dana od dana objavljivanja rješenja u Službenim novinama F BiH predlože otvaranje stečajnog postupka i na depozitni račun Suda, broj: 132-100-03091233-91 NLB banka dd Sarajevo, predujme iznos od 10.000,00 KM (desethiljadakonvertibilnihmaraka), na ime obezbjeđenja troškova stečajnog postupka, te da dokaz o izvršenoj uplati dostave sudu pozivom na broj predmeta.

Ukoliko stečajni dužnik kao predlagač, ili neko od zainteresovanih lica ne uplati navedeni iznos predujma u ostavljenom roku uz dostavu dokaza o uplati sudu pozivom na broj predmeta, sud će o prijedlogu za otvaranje stečajnog postupka odlučiti u skladu sa odredbama Zakona o stečaju.

Obrazloženje

Sud je dana 22.09.2022.godine pokrenuo prethodni postupak radi utvrđivanja uslova za otvaranje stečajnog postupka nad imovinom privrednog društva „ARCADE“ d.o.o. export-import Tuzla, Dokanj do broja 22, a za privremenog stečajnog upravnika imenovan je Besim Hamidović iz Zvornika. Dana 28.10.2022.godine privremeni stečajni upravnik je dostavio Izvještaj o provedenom prethodnom postupku.

Iz izvještaja privremenog stečajnog upravnika proizilazi da društvo ne posluje, da ima blokiran račun kod ProCredit Bank d.d. Sarajevo. Svi radnici društva su objavljeni. Obaveze društva prema povjeriocima ukupno iznose 161.000,00 KM. Društvo nema obaveza po osnovu direktnih i indirektnih poreza. Društvo nema pokretne i nepokretne imovine. Stečajni upravnik je mišljenja da postoje razlozi za otvaranje stečajnog postupka, a da se poslovanje stečajnog dužnika ne može nastaviti u cjelini ili djelomično, niti imovina stečajnog dužnika može pokriti troškove postupka obzirom da dužnik iste nema.

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao dužnika, povjerioce i sva zainteresovana lica da izvrši uplatu troškova finansiranja stečajnog postupka u visini od 10.000,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja

finasijskih izvještaja nadležnim institucijama sve do postupka brisanja društva dužnika iz sudskog registra privrednih društava, procjena imovine od strane ovlaštenih vještaka, objava oglasa za unovčenje imovine i drugo), obzirom da prema prijavi privremenog stečajnog upravnika društvo ne posjeduje imovinu.

Ukoliko predlagač, povjerioci ili neko od zainteresovanih lica u ostavljenom roku ne predlože otvaranje stečajnog postupka i ne izvrše uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102.stav 8. Zakona o stečaju.

Odluka o dostavi rješenja i javnom oglašavanju putem oglasne ploče suda, Web stranice Općinskog suda u Tuzli i javnog objavljivanja u Sl. Novinama F BiH, zasniva se na odredbi člana 102. stav 7. Zakona o stečaju.

Sudija
Antonela Đaković

POUKA O PRAVNOM LIJEKU: Protiv ovog rješenja nije dozvoljena žalba.